

# Йӧскалык библиотекалэн шыкысаз

## КЫЛТОДОН

**Карпова Л.Л. Диалекты северного наречия удмуртского языка: формирование и современное состояние. – Ижевск: МарШак, 2020. – 562 с.**

Филология докторлэн, История, кылья но литература удмурт институтысь лингвистлэн Людмила Леонидовна Карповалэн монографияз пыр-поч эскеремын уйпал удмуртьёслэн (чупчийыл (Кез, Дэбес ёросъёс, Эгра ёроslэн люкетэз), чупчишор (Яр, Глазов, Юкаменск, Балезино ёросъёс) но чупчивож (Киров улосвылын уйсь удмуртьёс) вераськемзы, уйпал вераськетлэн фонетикаез но морфологияез.

## ЧЕБЕРЛЫКО ЛИТЕРАТУРА

**Хайдар Рашит. Чибори атас. – Ижевск: Шелест, 2020. – 40 с.**

Рашит Хайдарлэсь нылпиослы кылбуръёсын бичетэ люказ-дасыз кузпалыз Надежда Хайдарова. Бичет поттэмын Финляндиясь М. Кастрен нимо обществолэн юрттэмезья. Книгае пыризы авторлэн пӧртэм аръёсы гожтэм ог 100 кылбуръёсыз. Бичетысь котькуд бамез узырмыто А.А. Васильевлэн, В.Г. Мустаевлэн, А.Н. Абрамовлэн, И.Н. Лопатиналэн, Л.А. Прозоровлэн яркыт суредъёсы. Таӵе тунсыко но ворпо буёло бичетэз шумпотыса киязы кутозы пинальёс но соослэн анай-атайёсы.

**Матвеев С.В. Нылкышно саюлын: роман-чигвесь. – Ижевск: Удмуртия, 2020. – 223 с.**

Та роман – Нылкышнолы чылкыт синмаськонэз усътон. Котькуд верос-мадӛс – со весь пыры выллем. Автор, марзан пырыоссэ огъя весе сузыйыса, сое Нылкышнолы кузьма но таӵе амалэн нылкышноез гажамзэ вераны тырше.

**Морякова М.И. Быдэсмиз кадъ потэ малпанэ. – Ижкар: Йӧскалык прессалэн юртэз, 2020. – 59 с.**

Бичетэ пыризы кылбуръёс но зарисовкаос. Марина Исааковна Моряковалэн ужъёсыз газет-журналъёсын печатласько, кылбуръёсын «Сальяе – вордскем гуртэ» бичетэз потэмын.

## ШАЕРТОДОН

**Атлас Удмуртской Республики / авторский коллектив И.И. Рысин, Д.А. Адаховский, Э.В. Алексеева [и др.]. – Издание 2-е, дополненное и переработанное. – М.: Феория. – Ижевск: Удмуртия, 2020. – 287 с.**

Удмурт Элькунлэн атласэз мутусъёсын (картаосын) бадӟым уж, кудйз туж ӵеч возматэ солэсь инкуазь луонлыкъёссэ но инкуазь сётосъёссэ, уйсь калыксэ но социальной улон котырзэ, экономикаез, историзэ но лулчеберлык узырлыкэ. Атласлэн котькуд люкетаз, мутусъёсына, пыртэмын на туспуктэмъёсын валэктись текст, суредъёсын, инсьӧр снимокъёсын, таблицаосын ужъёс.

**Толстухина М.Н. Сказ о том, как простые бабушки из удмуртского села Бураново храм построили. – Ижевск: Удмуртский издательский дом, 2020. – 267 с.**

Мария Толстухиналэн книгаысьтыз тодыны луэ Брангуртысь песянайёслэн 2008-тӥ арысен творчествозы, ӵош ужамзы, песянайёсын луэм тунсыко учырӛс сярысь.

**Атаманов М.Г. Улон-вылон дауркае... – Ижкар: Шелест, 2020. – 485 с.**

Михаил Атамановлэн «Кенеш» журналын печатласькем тодэ ваёнъёсыз-эссеосыз, очеркъёсыз, веросъёсыз огазе люкаса, нимаз книгаен поттэмын. Соос сӥземын вашкала вакытӛсы Россей кунын, удмурт дуннеын, лулчеберлык, кыл, экономика удысын бадӟымесь воштӥськонъёсты возматонлы. Книга тунсыко луоз удмурт литератураен, калыклэн улон-вылонэныз тунсыкъяськисъёс понна.

**Эжбаев Е.П. Мои открытия. – Ижевск: МарШак, 2020. – 91 с.**

Книгае пыризы Евгений Эжбаевлэн пӧртэм аръёсы печатласькем ужъёсыз – Выль Мултанысь учительской семинарилы, Кузубай Гердлы но солэн матысь адымиосызлы, Пантелей Николаевич Кузнецовлы, Николай Спиридонович Кузнецовлы сӥзем статьяос.

**100 вопросов о Чайковском. – Ижевск: Парацельс Принт, 2020. – 118 с.**

Чайковский удмурт-а? Шудо вал-а Чайковскийёслэн семьязы? Вал-а солэн нылпиосыз? Трос юанъёслы валэктон сӛтэ таиз книга. Уже кутэмын П. Чайковскийлэн дневникъёсыз, гожтэтъёсыз, эшъёсызлэн но ӵыжы-выжыосызлэн тодэ ваёнъёсы. Книгаез дасязы Воткакарысь П.И. Чайковскийлы сӥзем музейын ужасьёс.

**Удмурт калыклы гожтэт = Письмо удмуртскому народу / составитель Г. Г. Грязев. – Ижевск: Удмуртия, 2020. – 479 с.**

Книгае пыризы Кузубай Гердлэн, Трофим Борисовлэн, Михаил Ильинлэн, Яков Ильинлэн, Иосиф Наговицынлэн но мукет Удмурт автономиез кылдытӥсьёслэн, литераторъёслэн публикациоссы, гожтэтъёсы, литературно-художественной ужъёсы.

**Удмурты. На земле древних алангасаров = Удмуртьёс. Вашкала алангасаръёслэн музьем вылазы = Udmurts. The land of the ancient alangasars. – Ижевск: Удмуртия, 2020. – 95 с.**

Книгаын удмурт калыклэн историез, визьбура калык веранъёсыз, мукет выжыосын тупаса улыны быгатэмез, туннэ нуналозь утиськем лулчеберетэз, сям-йылолъёсыз, киужъёсыз возматэмын.

**Dart: адӟытон / люказ Мария Емельянова. – Ижкар: Фаворит, 2020. – 31 с.**

«Дарт» газет 10 ар ӵоже ини котыраз удмурт азьмынӥсь егитъёсты люка. Пӧлазы гожъяськисъёс, журналистъёс, суредаськисъёс, туспуктӥсьёс но дизайнеръёс. «Дарт»-лэн котыресь лыдпусэзлы сӥзем каталоге пыризы 2017–2020-тӥ аръёсы газетэ потэм куд-ог суредъёс но туспуктэмъёс.

**Не исчезай, моя деревня / МБУК «Киясовская межпоселенческая центральная библиотека»; редакторы: Куштанаева Н.С., Михайлова Е.Н. – Киясово: Киясовская р-я библиотека, 2020. – 112 с.**

Книгае люкамын Старозайчиково, Медвежье, Красноярск бырем гуртӛс но Тимеево черкогурт сярысь пинальёсын люкам ужъёс. Озы ик бичетэ пыризы архивысь исторической справкаос, туспуктэмъёс но отын улэм адымиослэн тодэ-ваёнъёсы.

**Козлов М.М. Таинства музея имени Ашальчи Оки. – Ижевск: Шелест, 2020. – 175 с.**

Книгае люкамын Быдӟым Атыкай оже пырыськемъёс, война вакытэ будэм пинальёс сярысь статьяос,

зарисовкаос но тодэ ваёнъёс. Ужъёс лэсьтэмын Грак черкогуртысь Ашальчи Оки нимо музейын.

**О малой родине – с большой любовью. – Ижевск: Издательские решения, 2019. – 97 с.**

Книга сӥземын Шаркан ёроslэн 90 ар тырмонэзлы. Отчы пыремын ёросысь инкуазьлы, тунсыко адымиослы, Быдӟым Атыкай оже пырыськемъёслы сӥзем пинальёслэн творческой ужъёсы. Бичет дасямын ӵуч кылья но литература дышетӥсьёслэн дэмламзыя.

**Современные этнополитические процессы и межнациональные отношения в Удмуртии: коллективная монография / В.С. Воронцов, Р. Н. Касимов, Д.А. Черниенко. – Ижевск: УдмФИЦ УрО РАН, 2020. – 363 с.**

**Кобзев И.И. Картинки старого Ижевска. – Ижевск: Удмуртия, 2020. – 176 с.**

Издание пыризы XIX–XX дауръёсысь туспуктэмъёс но Ижкарлэн азьвыл историезлы сӥзем очеркъёс. Туспуктэмъёсысь тунсыко адӟыны купеч коркаосты, пӧртэм аръёсысь дӥсьёсты, нырысетӥ трамваез но автобусэз.

## ПЕДАГОГИКА

**Сборник педагогических ситуаций и задач: сборник задач. – Ижевск: Удмуртский университет, 2020. – 63 с.**

**Технологии работы психолога с подростками: учебно-методическое пособие / авторы-составители: Сунцова Я.С., Шрейбер Т.В. – Ч. 1. – Ижевск: Удмуртский университет. – 2019. – 138 с.**

## ЧЕБЕРЛЫКО ЛИТЕРАТУРА

**Карпова А.В. Лобо, лобо писпу куаръёс... = С деревьев листья облетают... – Ижевск: Шелест, 2020. – 129 с.**

Ува ёросысь Жужгес гуртысь Алевтина Васильевна Карпова вань улонзэ колхозын ужаз. Кылбураны кутскиз пенсие потэм бераз. Алевтина Васильевалэн кылбуръёсыз ёрос газетын, «Кенеш» журналын, «Удмурт дунне» газетын печатласькыло. Нырысетӥ бичетаз пыризы кылбуръёс, кырӟанъёс, веросъёс.

**Светлана Аркадьевна ВОРДАКОВА, Удмурт Элькунысь Йӧскалык лыдӟиськонниысь «Книжной палата» ёзэтын ужась**